

Državni stambeni projekat (DPSZ)

Regionalni program stambenog zbrinjavanja (RHP) je zajednički višegodišnji program koji ima za cilj da obezbijedi trajna rješenja za stambeno zbrinjavanje oko 74.000 izbeglih i raseljenih lica, nastalih nakon sukoba na teritoriji bivše Jugoslavije u periodu od 1991-1995. godine. Program se nadovezuje na dosadašnje zajedničke napore partnerskih zemalja (Bosne i Hercegovine, Crne Gore, Hrvatske i Srbije) i međunarodne zajednice da privedu kraju raseljeništvu i izbjeglištvu u regionu.

U tu svrhu uspostavljen je Fond RHP u koji se u družuju donatorska sredstva. Fondom RHP upravlja Razvojna banka Vijeća Evrope (CEB), koja iz Fonda RHP isplaćuje nepovratna sredstva za finansiranje pod-projekata u okviru Državnog stambenog projekta. Program obuhvata četiri stambena projekta (Državni stambeni projekti), po jedan u svakoj od partnerskih zemalja i svaki od njih će se sprovoditi u nekoliko pod-projekata. Ukupna vrednosti procenjenih troškova Programa je oko 584 miliona evra, od čega predviđeni doprinos partnerskih zemalja iznosi oko 84 miliona evra.

Ukupni troškovi Državnog stambenog projekta BiH procijenjeni su na 101 milion evra a BiH se obavezala osigurati 15 miliona evra za provedbu Programa. Ovaj doprinos sastoji se od sredstava koja će Bosna i Hercegovina osigurati za završetak projekta, što uključuje infrastrukturno opremljeno zemljište, priključenje objekata na osnovnu i sekundarnu infrastrukturu, tehnički prijem radova, razne dozvole, građevinski nadzor, kao i određene finansijske doprinose za druge programske aktivnosti.

Stambena rješenja u BiH uključuju:

- osiguranje stanova u višeporodičnim zgradama (socijalno stanovanje);
- obnovu prijeratnih kuća i stanova;
- pružanje pomoći za stambenu izgradnju;
- smještaj u ustanovama socijalne zaštite.

Okvirnim sporazumom između Razvojne banke Vijeće Evrope i BiH, Ministarstvo za ljudska prava i izbjeglice BiH imenovano je kao Vodeća institucija u pogledu DPSZ-a i svih pod-projekata u vezi sa tim. Sprovođenje projekta povjereno je entitetskim ministarstvima izjeglja i raseljenih lica i Odjeljenju za izbjeglice i raseljena lica Vlade BD, kao Jedinicama sa sprovođenje projekta (JSP).

U skladu sa zaključenim Memorandumom o razumijevanju na realizaciji DPSZ-a, Fond za povratak BiH je zadužen finansijsku realizaciju. Za svaki pod-projekat za koji se dobija pomoć, Ministarstvo finansija i trezora BiH otvara poseban vanbudžetski račun u Centralnoj banci, a za povlačenje sredstava sa ovog računa ovlašten je direktor Fonda. Sa ovog računa se vrši konverzija i prenos sredstava na namjenski transakcijski račun kod poslovne banke, odakle se plaćaju dospjele obaveze.

